

沔陽州志卷首

聖制

雍正五年奉

上諭前因湖廣邊江濱湖之州縣如咸甯蒲圻等處平時易於被水者今歲又略被水特頒

諭旨將今歲錢糧全行蠲免外沔陽潛江監利一州二縣及屯坐此州縣之衛所亦皆屬低窪之地與咸甯等處大都相同著照咸甯等處之例將今歲錢糧全免其有已經完納者准抵算明年錢糧之數朕因軫念楚省窮民已發帑銀二萬兩今該督撫加意軫恤此銀倘有不敷查湖北現有買穀備用沔陽州志卷之一聖制上諭一之銀六萬兩著即將此項銀兩動支於應用之州縣分給賑恤務令均沾實惠特諭

乾隆三年奉

上諭湖北沔陽州地勢低窪爲諸水匯歸之地以致田畝坍塌淤漲靡常小民苦樂不均積有逋賦迨雍正十二年該督題清文明實在田畝輸納民累頓除但未經清丈以前有雍正十三年未完銀四千六十餘兩乾隆元年未完銀八千一百餘兩率係被水淹浸之地無力完糧者官吏仍事催科窮民不免敲撲深可憫惻著將此兩年未完之銀悉行蠲免以息閭閻追呼之擾欽此



乾隆四十三年奉

上諭本年湖北漢陽等各府屬先後被旱災又因江漢盛漲被淹災分較重節經降旨諭令該督撫加意撫恤第念災後貧民蓋藏鮮少其補種之秋蕎雜糧收成亦屬有限若銀米兼徵民力不無拮据著將恩加成災有漕糧之江夏武昌嘉魚漢陽黃陂孝感黃岡潛江天門荊門安陸雲夢應城應山江陵公安石首監利松滋咸甯蒲圻大冶等二十二州縣本年應完漕糧正耗米石水腳及隨漕銀兩均緩作兩年帶徵至有漕之崇陽通城興國沔陽蘄水羅田均州廣濟黃梅隨州等十州縣雖未成災但悉與災地環近在本處既歉收食貴沔陽州志卷之一聖制上諭

而鄰境成災應徵之民皆仰資購食又通山當陽二縣雖係折徵銀兩但需撥江夏等縣耗米均宜藏富於民以資接濟並著加恩將該十二州縣應納漕糧正耗米石及折漕銀兩水腳隨漕等銀同成災無漕而有應徵隨漕淺船銀之黃梅等縣管屯田分坐災地應徵軍三安家閑丁等項分解湖北湖南之武昌荊州等各衛所一體暫寬催納亦緩至下年帶徵該督撫等務宜董率各屬實力妥辦無使吏胥從中滋弊以副朕軫念災黎至意欽此

乾隆四十四年正月奉

上諭上年湖北漢陽安陸荊州各府屬夏禾被旱入秋漢江盛



漲又被淹浸災分較重業經降旨該督撫照例給賑以示優恤第念今春正賑已畢向屬青黃不接之時民食未免拮据著再加恩將江夏漢陽漢川黃陂孝感鍾祥京山通城天門荊門雲夢應城江陵公安石首監利襄陽宜城十八州縣及屯田坐落各州府縣武昌沔陽黃州德安荊州等衛成災七八九十分極次貧軍民俱各加賑一個月以資東作其毋庸展賑各州縣衛亦著察看情形分別酌借口糧籽種俾得盡力南畝以待夏秋該督撫等董率屬員實心經理務使窮簷均沾渥澤欽此

乾隆四十四年十一月奉

沔陽州志

卷之一 聖制

上諭

三

上諭上年湖北偶被偏災業經降旨加恩賑恤並將成災有漕之江夏等各州縣漕糧正耗米石隨漕銀兩緩至己亥庚子兩年帶徵本年通省豐收各屬有糧花戶自應踴躍輸將第念潛江江陵監利沔陽荊門五州縣俱係上年災重之區若將緩帶糧米一併徵收民力未免拮据著再加恩將潛江江陵監利沔陽荊門五州縣上年災歉今復成災田地應在本年帶徵銀米展至庚子年徵收應分作庚子帶徵銀米展至辛丑年徵收俾民力寬舒共受盈宣之樂欽此

乾隆四十七年正月奉

上諭上年湖北潛江等縣衛因襄水泛漲沿河田院被水浸潰



屢經降旨令該督撫等切實查勘照例賑恤無使失所第念今春正賑已畢尙居青黃不接之時民食不無拮据著加恩將被災八分以上之潛江江陵監利荊門等州縣及屯坐該州縣之荊州左二衛極次貧軍民加賑一個月以資接濟其續被秋水之鍾祥京山二縣被旱之雲夢應城二縣及屯田坐落各衛所軍田並未成災五分之江夏武昌漢陽黃陂孝感等縣及勘不成災之天門沔陽安陸應山廣濟黃岡石首等州縣該督撫等須飭屬分別實力辦理俾窮黎均沾實惠以副朕愛惠元元有加無已之至意欽此

乾隆五十一年二月奉

沔陽州志

卷之一 聖制

上諭

四

上諭上年湖北江夏等州縣並武昌等衛因旱曠成災夏收無望節經降旨糶賑兼施俾災黎日食有資不致一夫失所第令現屆東作方興青黃不接民食不無拮据所有成災七八九十分之江夏武昌咸甯蒲圻嘉魚漢陽沔陽黃陂孝感漢川廣濟麻城黃安黃梅鍾祥荊門應城隨州江陵公安監利襄陽穀城光化宜城等二十六州縣並坐落各該州縣衛所屯田之極次災貧軍民著加恩於正賑散畢後展賑一個月其成災之五六七分與國大冶黃岡蘄水圻州羅田潛江京山天門當陽安陸雲夢應山石首通山松滋枝江宜都均州鄭縣崇陽二十一州縣並未成災之通城南漳東湖三縣以



及坐落各州縣衛所軍民俱著加恩分別賞借口糧籽種以資耕作該督撫其董率所屬實力奉行務使閭閻均沾實惠以副朕軫念民艱恩加無已之至意欽此

乾隆五十三年九月奉

上諭惠齡奏湖北沔陽黃岡二州縣被水地畝涸出無多節候已遲不能補種等語荊州上游各屬被水貧民業經降旨分別撫卹其下游漢陽等縣亦經借給口糧小民日食有賴自可無致失所今沔陽黃岡二州縣因漬水未消田畝未經涸出難以補種著借給一月口糧以資接濟該督撫務須督飭該地方官查明實在被水戶口按名給發毋任假手胥吏稍沔陽州志

卷之一

上諭

五

滋剋刻其餘成災處所應行給賑者並著該督撫照例具題實力撫卹以副朕軫念災黎有加無已至意欽此

乾隆五十四年正月奉

上諭上年湖北江陵等州縣夏秋被水成災節經降旨撫賑分別蠲緩帶徵小民自可不至失所第念今春正賑已畢青黃不接之時民食恐不無拮据而江陵監利兩縣因隄塍潰決被淹尤甚更宜格外優卹著再加恩將江陵縣成災八九十分軍民不分極次及監利縣成災八分極貧軍民於正賑之外再加賑兩個月其公安漢川黃梅三縣成災八分極貧軍民並各加賑一個月俾資接濟又公安等四縣成災七分極



次貧八分次貧及成災七八分之石首漢陽沔陽黃岡廣濟長陽六州縣成災五六分之潛江縣極次貧各軍民並成災五分勘不成災各屬仍著該督撫察看情形或酌借籽種口糧或減價平糶分別酌辦該督撫等務須督飭所屬實心經理俾災黎均沾渥澤以副朕軫念窮簷至意欽此

乾隆六十年十月奉

上諭惠齡奏湖北荆門天門二州縣因本年五月間連降大雨漢水大漲隄塍陡被水漫並及下游之潛江沔陽等屬低窪處所均屬被淹等語荆門等各州縣因夏間雨水盛漲各隄院均有被淹雖據該撫飭同該管道府等勘明被水各院早

沔陽州志

卷之一 聖制

上諭

六

經涸出均屬薄有收成但查各該處上年今年迭遭水災元氣一時未能盡復所有本年應徵錢糧若一律催徵民力更形拮据著加恩將荆門州之馬上一等九院潛江縣之長一等二十九院天門縣之連魚圖等三十七院沔陽州之小莊等二十九院本年應徵錢糧緩至次年麥熟後徵收以示體卹該撫惟當督率所屬妥爲辦理俾小民均沾實惠以副朕軫念閭閻恩加無已至意欽此



沔陽州志卷

天文志

星野

昔者堯授人事舜齊七政星象之學實爲權輿蓋地無大小得天者昌星分經緯因時則應沔雖彈丸而雨暘協休咎之徵風雨符民生之好感召之機化理繫焉不特侈言緯候已也志星野

分野之說昉自周禮保章氏以星土辨九州之地封域皆有分星以觀妖祥其後史家志天文胥承沿不廢鄭裨竈曰歲棄其次而旅於明年之次以害鳥帑周楚惡之帑尾也鳥帑

沔陽州志

卷之一天文

星野

一

謂鶉尾其星則翼軫也春秋元命苞曰軫星散爲荊州史記天官書漢書天文志並云翼軫荊州晉書天文志引魏太史令陳卓言郡國纏次自張十七度至軫十一度爲鶉尾於辰在巳楚之分野屬荊州志又云南郡入翼十度江夏入翼十二度然則今之沔陽計其地望在昔南郡江夏二郡之間當是入翼十度有奇矣又史記天官書吳楚之疆候在熒惑占於鳥衡張守節正義鳥衡柳星晉志云熒惑主霍陽荆交四州熒惑夏火也故主南方此與天官書候在熒惑之說合熒惑者南方七星之總名特楚地屬翼軫而天官書指鳥衡爲柳星此則星家異說耳又春秋文耀鉤言北斗分野荆屬衡



石氏星經在天北斗二星主楚分晉志亦云星經玉衡第四  
星主荆此言楚分野又異要以史竈言為可據蓋竈居史職  
其言必有所本特分星所屬之義今不可聞知耳按童志云  
晉天文志  
翼軫楚荆州南郡入翼十度江夏入翼十二度陳卓范蠡鬼  
谷先生張良諸葛亮譙周京房張衡並云按范蠡鬼谷時沔  
屬南郡至陳卓時沔屬江夏郡久矣自蠡至良歷世邈遠莫  
究其說卓魏太史令言天官者多推之自亮至衡並號精博  
而卓言郡國所入躔次尤詳其曰江夏則沔在其中况夏實  
自沔達江今漢口即漢江夏郡地道里迫近沔或與江夏同  
也度

沔陽州志

卷之一天文

星野



乾度

北極出地度及節氣日出入表  
皆謹依 天清一統志推衍

周公營洛以土圭測日景後儒按遲速以定至分辨黃赤以察災祥於是乾度之學益精焉沔一隅地耳而出入時辰不無可考語曰善言人者必有驗於天信哉志乾度

沔陽於北極出地得三十度十二分三十秒偏京師西得三度十五分

各節氣高弧表影

直表影

橫表影

冬至午正高弧三十六度

二十八分二十秒

一尺三寸六分

七寸三分四釐

大雪

三十七度

零九分一十四秒

一尺三寸一分九釐

七寸五分九釐

沔陽州志

卷之一天文

乾度

三

小寒

三十九度

三十六分一十四秒

一尺二分零八釐

八寸七分七釐

立冬

四十三度

三十三分三秒

一尺零五分六釐

九寸四分六釐

霜降

四十八度

一十七分五十七秒

八寸九分一釐

一尺一分二釐

雨水

五十三度

五十二分二十九秒

七寸二分九釐

一尺三分六釐

驚蟄

五十九度

四十七分三十秒

五寸八分二釐

一尺七分七釐

春分

六十五度

四十二分四十一秒

四寸五分一釐

二尺二分五釐

清明

七十一度

一十七分零三秒

三寸三分八釐

二尺九寸五分

穀雨

七十六度

零九分二十七秒

二寸四分六釐

四尺零五分八釐

立夏

七十九度

五十八分四十六秒

一寸七分六釐

五尺六寸五分

芒種

八十二度

二十五分四十六秒

一寸三分二釐

七尺五分五釐



夏至 八十三度 二十六分三十秒 一寸 七分七釐 八尺 四分八分

日出入時刻

冬至 出卯正三刻 十三分三十七秒 晝 四十刻 零二分四秒

大雪 入酉初初刻 零一分三十三秒 夜五十五刻 十二分十四秒

小雪 出卯正三刻 十一分十二秒 晝 四十刻 零七分三秒

大寒 入酉初初刻 零三分四十八秒 夜五十五刻 零七分二秒

立春 出卯正三刻 零四分二十六秒 晝 四十一刻 零八分

立冬 入酉初初刻 零四分三十四秒 夜五十四刻 零八分五秒

立春 出卯正二刻 零六分 晝 四十三刻 零二分五秒

立冬 入酉初一刻 零八分五十七秒 夜五十二刻 零二分六秒

沔陽州志 卷之一 天文 乾度 四

霜降 出卯正一刻 十一分 晝 四十四刻 零五分三秒

雨水 入酉初二刻 零二分四十九秒 夜五十一刻 零九分二秒

驚蟄 出卯正初刻 零四分二十二秒 晝 四十七刻 零六分

寒露 入酉初三刻 零五分三十八秒 夜四十八刻 零八分四秒

春分 出卯正初刻 晝 四十八刻

秋分 入酉正初刻 夜 四十八刻

清明 出卯正三刻 十分三十八秒 晝 四十八刻 零八分四秒

白露 入酉正初刻 零四分二十二秒 夜 四十七刻 零六分

穀雨 出卯初二刻 零二分四十九秒 晝 五十一刻 零九分二秒

處暑 入酉正一刻 零一分三十一秒 夜 四十四刻 零五分三秒



立夏 出卯初一刻 零八分五

入酉正二刻 零六分

晝五十二刻 零六分  
夜四十三刻 零二分五

小滿 出卯初初刻 十分三

入酉正三刻 零四分二

晝五十四刻 零八分五  
夜四十一刻 零六分

芒種 出卯初初刻 零三分四

入酉正三刻 十一分

晝五十五刻 零七分二  
夜四十刻 零七分三

夏至 出卯初初刻 零一分二

入酉正三刻 十三分三

晝五十五刻 十二分  
夜四十刻 二分四

沔陽州志 卷之一 天文 乾度



沔陽州志卷

天文志

祥異

鴻範五行動稱災異北魏南齊專志符瑞儒者恥談而史不絕書有微意也蓋禍福既可以轉移休咎未始非感召為祥為妖承流宣化者勿庸忽視也志祥異

晉

永嘉三年大旱江漢可涉

甯康中南郡州陵唐氏女化為丈夫

元熙二年秋八月竟陵郡上巾水戍山得銅鐘七口

沔陽州志

卷之二天文

祥異

晉太元十五年秋八月沔中諸郡大水

十八年夏五月沔水泛溢

二十七年二月白兔見竟陵刺史南譙王義宣以獻

唐長慶四年夏復州漢水溢洪

宋太平興國二年春夏淫雨秋七月復州漢口漲壞城及民

田廬舍

四年秋九月沔陽縣湖晶漲壞民舍田稼

五年秋七月復州江水漲舍隄塘皆壞

淳化二年秋七月復州蜀漢二江水漲壞民田廬

大中祥符元年冬十月復州獻芝草三本狀類神仙佛像

童志



無据章志增  
注云出總志

崇甯元年冬十月復州水童志無据章志增注云出總志

建炎中江陵令決潭陂入於江既而夏潦漲溢害及復州干

餘里童志無据章志增注云出府志

紹興三年夏五月復州水

建隆三年有象自黃陂至復州踐民田遣使捕之童志無据章志增

淳熙三年夏復州旱冬大饑 八年秋七月不雨至於冬十

一月明年夏五月不雨至於秋七月 十五年夏五月荆江

溢復州水大風按童志無大風章志無荆江溢此從方志

元元貞二年十二月玉沙水按方志作玉沙大水章志作沔陽水復風損田禾無十二月

沔陽州志卷之一天文 二

六年沔陽玉沙水童志無据章志增

大德九年夏五月至秋七月玉沙江溢

延祐元年夏六月沔陽府饑

泰定三年冬十二月沔陽府旱童志無据章志增按方志作十一月沔陽府饑

至正九年夏四月沔陽府大水

吳元年沔陽學產瑞蓮舊志吳上皆著明字今按太祖於元年始改曰明加明於吳上非紀事從朔之例也故削之

明成化十年夏大水城內乘舟 十一年沔陽火 二十年

夏六月大水

弘治二年夏沔陽大旱以上三條童志無据章志增注皆云出總志

六年冬大



雪恆寒 十三年大水

正德四年夏五月沔陽大雩章志云 八年夏六月沔陽學

復產瑞蓮 十年夏沔陽黃龍見童志無据章志 十一年

大水 十二年夏六月沔陽淫風暴雨大水漂田廬民溺死

者以千數童志接上十一年大水云明年水大饑民物多耗此從章志增注云出總志

嘉靖三年冬十二月晦地震 六年夏六月大水民田廬皆

壞戊辰夜迅風大雨雹是夜人畜多溺死 七月夏大旱河

竭 八年沔陽疫秋七月漢溢 九年秋大水八月丁丑有

星如月自東南流於西北俄有聲如雷按自此以上或稱復

沔陽縣或稱玉沙本應別異故凡舊志已載者皆仍之其無者不敢增也自此以下既降直隸為屬州所紀皆沔陽事故

沔陽州志 卷之一 天文 三

不必復加沔陽雖舊志有者亦削去之 十七年夏六月虎入人家至于戶王

詔宅乳二豹一虎忽不見陳志無据章志 二十年大蝗六

月龍吟於赤水聲聞二十里半日乃止陳志無据章志 二

十三年大旱 二十五年夏五月大水陳志無据章志 三十五

年水按章志 三十九年水沔與洞庭為鄰人畜溺死 四

十年水 四十五年冬十一月地震陳志無据章志增注云

出總志按方志作十二月

隆慶四年水 五年水

萬曆十四年大水費志無据 十六年旱費志無据 十九

年水按章方志作沔陽 二十九年春正月朔大火官舍民

大水舟入城市



房燬以千計

費志無据章志增

三十六年三四五月雨五月二十

四江隄壞水至城內行舟

費志但云大水方志云大水三月至五月江隄壞城內行舟語欠明

晰此從章志

三十七年大旱 三十九年大有 四十一年大

水 四十二年大水 四十三年大水

以上五條費志無据章志增

天啟元年大水 二年大水

崇禎元年冬十月大雨冰厯旬魚多凍死

自此以下事仍舊志詞多刪潤以舊

志文繁而語陋故也

二年秋八月漢溢全境水

通城七十二院朱麻一十三院皆淹按方

志無二字

民豐於魚饑不為災 三年秋七月十七日

日例紀甲子不當紀

數舊志佚

烈風大雷雨壞屋及舟傷人甚眾秋大水全境皆淹

九年秋七月二十日長夏門外有旋風揭居民劉敕甫屋去

沔陽州志

卷之一天文

祥異

四

柱壁及比鄰如故

十一年冬十二月

舊志失日

仁風門外火火

越城出內外焚各三百餘家

十二年春三月

舊志失日

地震夏

六月水淹城南百餘院

十三年春淫雨兩月麥無秋冬大

饑按章志大饑上有木冰二字考春秋成公十六年春王正月雨木冰解者以雨著木成冰為異耳若尋常遇雪木冰不足為異削之方

志作水冰更誤

十四年春猶饑夏五月旱蝗大疫

按方志無五月

十五年大水盜起立妙觀銅鐘自鳴纍纍

十七年春

三月不雨

國朝順治二年春大饑石穀價銀四兩大麥兩餘民多死亡

四年大有 五年春淫雨 七年夏六月水淹二百餘院

水自

茉莉灣潰入淹西湖新興朱麻等院冬十月巡撫馬鳴鑾築改名樂利灣

八年春二月三日地



震十日又震 九年春正月朔迅雷自三月至秋七月不雨

湖盡涸老屯田湖人一日望見涸湖中水光盈盈隔岸人家

林木影見湖中或曰此地鏡也 十年春夏苦雨 十一年

夏四月水潛堤潰淹西湖等院 十二年水 十三年水 十四年水

十五年夏大水全境皆沒 十六年春大饑秋大水 十

七年水蠶市見西湖姚老院自己及申微雨乃散沙口亦屢見 十八年水

康熙元年水 二年大水 二年秋七月水 四年夏大水

借江竹根灘潰五月總口潰西湖浮張三角等院盡沒南江復潰 六年六月二十七日雨

雹迅風大霧竟日冬十二月二十日雨赤雪雷震 七年三

月十一日有流星大如斗眾星繞而行十二日夜雨雪如硫

沔陽州志 卷之一 天文 五

黃大如豆試以火輒然夏六月十七日黃昏地震自東南而

北夜半又震秋大水 八年四月十四日大雨雹傷人甚眾

七月十日夜星斗爛然有細雨聖廟階西古柏從內自焚香

聞數里 九年冬十二月二十四日大雪電 十二年大水

冬吳逆據衡岳民畏賊逃竄春苗失種 十三年春淫雨城

圯 十四年秋大水 十五年春淫雨三月夏大水溺死無

算 十七年秋大水 十八年夏五月至冬十月不雨十月

雷十一月又雷 十九年春大饑盜羣起正月雨沙夏旱秋

七月大水冬范漑關生員余灤女年十六忽化爲男 二十

年夏大旱六月疫秋七月大水冬十二月七日霹靂十日又



雷 二十一年秋七月望日人定呂蒙口漁人見天半赤色  
異常映物皆紅光如白晝忽作霹靂響經久方息似一縷紅

絲收滅仍晦冥 二十四年水 二十六年歲有秋 二十

八年歲有秋 二十九年饑 三十年歲有秋 三十一年

歲有秋 三十三年歲有秋 三十四年歲有秋 按史例常

有年必大熟書水旱必大災此比年頻書不云水即云有秋  
如法不合今不能辨其何條當存何條當刪姑仍之餘仿此

三十五年秋七月大水 江水決黃潭隄潛沔漂流 三十六年饑 三

十八年水 三十九年水 四十年歲有秋 四十一年水

四十二年水大饑 四十三年秋七月八月淫雨九月水

四十四年水冬大疫 四十五年水大饑大疫 四十六年

沔陽州志 卷之一 天文 六

春仍疫至夏乃止秋九月水河湖溪塘水忽跳數尺半時乃

已 四十七年水蟲鼠為災大饑 四十八年水 五十三

年大水 五十四年大水 五十五年大水 五十八年歲

有秋 五十九年大水 六十年歲有秋

雍正元年夏四月十九日天赤氣炎燥陰霾雨沙夜大火以

風城內外焚七百餘家死者三十餘人醫官喻弘仁焚死越

日有黑旋風挾灰沙自南門北至十字街而西過州署散當

者樹葉皆飛物旋至空中是年城鄉多火歲大有秋 二年

春正月仙桃鎮大火焚數百家多死者是年水 三年春三

月城內外火焚數百家秋水 四年夏大水民大饑 五年



春夏淫雨不止無麥大水江隄潰口十九處 饑大疫 六年夏五月

大水城內行舟水自王家灣潰入 民饑多疫 七年歲有秋 八年

歲有秋 九年秋八月大水 十一年春淫雨夏大水秋八

月二十七日夜有大星綴小星無數孛於西南光明如晝天

鼓鳴 十二年歲有秋新隄有一白鳥行黑鳥羣隨之 十

三年歲有秋

乾隆元年春淫雨夏水 三年歲有秋 四年春夏旱河水

皆涸五月水是月石家院民舒葵妻周氏久病忽化爲男

五年夏四月十九日有星如電光自南孛於東北冬十一月

新隄東西兩岸火焚民舍八百餘家 六年春淫雨夏秋大

泗陽州志卷之一天文 祥異 七

水 七年夏水荊州新城隄潰泗屬皆淹 五六月淫雨秋八月復淫雨冬

十月桃花大放十二月有赤龍見於南方 八年春正月二

十七日地微動 十年夏秋大水 十一年大水 十二年

城內大火 十三年水 十四年夏大水 十五年夏旱

十八年大水 二十一年大水自春徂夏陰雨近二百日六

月著綿不聞蟬鳴 二十二年秋苦雨 二十六年大水

二十八年大水 二十九年大水 三十年春久雨 三十

二年水 三十三年夏大旱 三十四年大水民多流亡

三十八年春久雨三月十一日雪 四十一年夏大旱 四

十二年夏大旱 四十三年大旱 四十五年大水 四十



六年大水 五十年大旱 五十一年饑 五十三年大水

荆州萬城隍  
潰州盡被淹

五十六年水 五十九年水

嘉慶元年秋八月水 七年水 八年春大饑 十九年夏

早 二十一年大水

道光元年大水

監利武家口潰

二年大水

天門王家營隄潰

四年夏四

月朔日晡雷雨暴至有龍自北來逕城南去目炯炯雲霧中

鱗爪森然城南奎星閣吸至朱家院挺立如造大木皆拔

六年夏五月九日夜雨甚烈風迅雷平地水數尺房屋傾塌

秋七月水 十一年夏秋大水冬大饑 十二年春大疫秋

大水 十三年夏大水 十四年夏四月三日夜有數龍自

沔陽州志

卷之一 天文

祥異

八

北方來烈風暴雨大雷電雨雹大如磚老樹拔麥蔬盡萎屋

多傾倒壞人畜無算 十五年秋七月飛蝗蔽天嚙小兒有

死者 十六年大水 十九年大水

監利子貝淵潰

二十年大水

二十一年疫冬大雪冰凝四十五日不解 二十二年大

水

潛江獅子腦隄潰 二十八年春淫雨夏五月大水

二十九年

春大饑正月雨至夏五月晝夜傾注江盜白龍見空際鱗甲

俱動五月晦大風波濤震湧民舍多沒東門城圯城上行舟

秋大疫 三十年夏麥穗兩歧龍見於新豐院伍家溝秋禾

穗六歧

咸豐元年春恆雨三月雨雹大風民多凍死夏麥穗兩歧至



五歧大水潛江澤口潰園中瓜蔓多成蛟螭狀二年大有秋禾

穗兩歧冬十一月大雨雹雷震三年春三月大雨雹四

年春二月紅巾賊入城燬聖廟白日雷震冬湖水沸數尺

六年夏五月不雨至秋九月蝗七年夏旱蝗秋大水子貝淵隄

潰冬十月虹見八年春正月長夏門外火至秋八月焚數

十次有物若螢著處輒焚知州陳五典請於神用長釘三尺視流螢起處釘之患乃漸息夏

四月大雨城中水深數尺九年春正月七日夜白虹見夏

大水荆河潰秋淫雨十年大水澤口潰

同治二年大水沙鎮火數十次常一日二三處火有犬啣民

竈燃薪出焚三年大水監利豫備隄潰四年大水監利楊林關潰夏四

沔陽州志卷之一天文祥異九

月天雨黑豆五年大水江隄三總九總十三總皆潰民多流亡八月有

黑氣由東北繞西南星伏不見六年夏漢溢大水七年

夏漢溢大水八年夏漢溢大水冬大饑九年夏江漢並

溢有龍橫江冬大饑十二年春正月雷電大雨雪有星孛

於西北

光緒元年同治八年澤口內梁家灘冲一口名吳家改口自此以後水多由此入為監沔害二年

夏大旱六月雲中有白虹射月長亘如弓秋水漢隄新淤院潰七月

新隄火焚九百餘家冬十一月桃花盛放三年夏五月旱

蝻生自夏至秋無雷冬十月大雷電桃花盛放四年春正

月鷓鴣鳴於南方夏淫雨大水吳家口隄潰江漢隄並潰秋七月淫雨大



疫 五年秋七月四日烈風大木多拔 六年六月大雨雹  
屋瓦多碎 七年十一月大雷電 八年大水八月東南隅  
夜半有白氣如布斜竟天連夕不絕 九年大水冬月暮赤  
色有黃氣見於西方數月不絕 十年有秋西南方水 十  
一年學宮產瑞蓮麥穗兩岐西南方大水九月二十六日地  
微動星流如織 十二年夏大水冬大雪平地深四五尺冰  
凝百餘日民舍傾圮人畜多凍死 十三年春淫雨夏秋大  
水 十四年大疫民多死秋有年十月瓜再實